



Inuussutissarsiornermut Aatsitassanullu Ataatsimiititaliaq

Ulloq 3. maj 2023 Inuussutissarsiornermut Aatsitassanullu Ataatsimiititaliami oqallinnissamut oqaaseqaatit

Dato: 08-05-2023
Sags nr. 2023 - 4949

Immikkoortoq 1:

**Inatsimmut atuuttumut inatsisissatut siunnersuutip
takussutissianngorlugu sanilliunneqarnera ataatsimiititaliap amigaatigaa.
Taamaammat inatsisissatut siunnersuummi matumani inatsimmut
atuuttumut inatsisitigut allannguutit pillugit ataatsimiititaliap
ilisimasaqarnerulernissaanut Naalakkersuisut naapeqatiginissaat
ataatsimiititaliamit kissaatigineqarpoq.**

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: asn@nanoq.gl
www.naalakkersuisut.gl

Takuuk ilanngussaq 1.

Immikkoortoq 2:

**Inatsimmut atuuttumut tunngatillugu inatsisissatut siunnersuut inatsimmut qanoq
ersarinnerulersitsissanersoq Naalakkersuisunit paasissutissiissutigineqassasoq
ataatsimiititaliamit kissaateqarpoq. Matumani siunnersuutigineqartumut sanilliullugu
qanoq qulakkeerniarneqarnerisut ataatsimiititaliap paasisaqarfigissallugu soqutigaa:**

a. Pitsaanerusumik innuttaasunik peqataatitsineq

b. Aatsitassarsiornermut aningaasaliisartunut atugassarititaasut pitsaanerusut.

a. pillugu

Siunnersuummi siunertaasut ilagaat pitsaanerusumik innuttaasunik akuutitsinissap
qulakkeernissaa. Inatsimmut atuuttumut sanilliullugu tamanut ammasumik tusarniaaneri
marlunnik ilaneqarsinnaanerit atuutsinneqalerpoq.

Ilaatigut aatsitassarsiorluni misissuinissamut akuersissutinik tunniussinissaq sioqqullugu
tusarniaasoqartussaanaera atuutsinneqalerpoq. Naalakkersuisut isumaqarput tusarniaaneq
taanna immikkut pingaaruteqartoq, tassami aatsitassarsiorluni misissuinissamut
akuersissummik tunniussinermi ingerlatseqatigiiffik pisinnaatitaaffeqartinneqalertarmat,
siunissami ukiorpassuarni najukkami innuttaasunut sunniisinnaasumik.

Aatsitassarsiorluni misissuinissamut akuersissutinik tunniussinissaq sioqqullugu tusarniaaneq
minnerpaamik ulluni 21-ni pisussaavoq, tassa imaappoq tamatumunnga pissutissaqarpat
piffissaq tusarniaaffiusoq sivitsorneqarsinnaasoq. Imaassinnaavoq piffissami

tusarniaaffiusumi inatsisitigut pisussaaffigineqartumi tusarniaanermut akissuteqaammik, tamatuminnga pissutissaqalersitsisumik, tigusaqartoqarpat (assersuutigalugu innuttaasut kalluarneqartussat sumiiffiup aatsitassarsiorluni misissuinissamut akuersissummi ilaatinneqalernerata sunnuteqarnerlussinnaanerani misissuinissamut piffissaqarnerunissamik pisariaqartitsilersitsisunik pisoqarpat), imaluunniit sumiiffik qinnuteqarfigineqartoq sumiiffinnut najugaqarfiusunut qanittumiippat.

Siunnersuut aamma sumiiffinni aalajangersimasuni immikkut ittunik maleruagassanik aalajangersaanissamut inatsimmi tunngavissamik imaqarpoq, taakkua assersuutigalugu tassaasinnaapput tusarniaanermut killigitamik sivitsuinerit.

Aatsitassarsiorluni misissuinissamut akuersissutinik tunniussinissaq sioqqullugu tusarniaanermut siunertaavoq, innuttaasut najukkami pissutsinik ilisimasaqalersinnissaat, isummaminnik saqqummiinissamut aammalu sumiiffimmi qinnuteqarfigineqartumi pissutsinik immikkut ittunik Naalakkersuisunut eqqumaffigeqqusinissaminnik periarfissinneqarnissaat. Taakkua tassaasinnaapput pinngortitap qajannartuunera, kulturikkut kingornussat imaluunniit inuussutissarsiutit ingerlanneqartut. Tusarniaanermut akissuteqaatit sumiiffimmi qinnuteqarfigineqartumi aatsitassarsiorluni misissuinissamut akuersissummik tunniusserusunerlutik, imaluunniit sumiiffimmi aatsitassarsiorluni misissuinerimut immaqa atugassarititaasunik immikkut ittunik aalajangersaasoqassanersoq, Naalakkersuisut aalajangiinissaannut tunngavigineqarsinnaapput. Tusarniaanermut akissuteqaatit aammattaq, ajornartorsiutit tikkuarneqartut sumiiffik qinnuteqarfigineqartoq qaangerlugu inissisimappata, sumiiffinni killeqarfiliinissaq pillugu aalajangiinermut tunngavigineqarsinnaassapput. Tamatuma saniatigut tusarniaanermut akissuteqaatit aatsitassarsiorluni misissuinerimut ingerlatseqatigiiffiup, najukkameersut isumanerluutaannik siusissukkat ilisimannilertussat, oqaloqatiginissaanut tunngavigineqarsinnaapput.

Ilaatigullu piiaanissamut akuersissummik tunniussinissaq sioqqullugu tusarniaanissaq atuutsinneqalerpoq, taamaattoq tusarniaaneq taanna pisut malillugit VVM-ip aamma VSB-ip piareersaataasumik tusarniaassutigineqarnerannut peqatigitillugu ingerlanneqarsinnaavoq.

Piiaanissamut akuersissummik tunniussinissaq sioqqullugu tusarniaaneq minnerpaamik ulluni 35-ini ingerlanneqassaaq, aammalu aatsitassarsiorluni misissuinissamut akuersissutip tunniunneqannginnerani tusarniaanertuulli sivitsorneqarsinnaalluni.

Tusarniaanermut tassunga siunertaavoq, pisinnaatitsissummik pigisaqartup akuersissummik, ingerlatassanik annertooujussuarnik ilaqarsinnaasumik, tunineqannginnerani innuttaasut oqaaseqarnissamut periarfissinneqarnissaat. Tusarniaanermut akissuteqaatit, aatsitassarsiorluni misissuinissamut akuersissummik tunniussinermi pisartut, akuersissummi atugassarititaasunik immikkut ittunik aalajangersaanissamut tunngavigineqarsinnaapput. Aatsitassarsiorfissap qanoq isikkoqarnissaanut pilersaaruteqareerluni, aatsitassat suut piiarneqarniartut, taakkualu annertussusissai, ilisimareerlugit aammalu minnerpaamik pingaarnertigut suliassamut pilersaaruteqarluni, inissisimanerup nalaani tusarniaaneq pissaaq. VVM-imut aamma VSB-imut suliassamut nassuiaat piareersaataasumik tusarniaassutigalugu

nassiunneqarsinnaalluni, pisinnaatitsissummik pigisaqartup suliassamut pilersaarutai ingerlallualereersimappata, taakkua ataatsimoortillugit tusarniaassutigineqarsinnaapput. Taamaalilluni inatsimmut atuuttumut sanilliullugu, pisuni tamatigut immikkut tusarniaasoqartartussaangilaq.

Oqaatigineqassaaq tusarniaanerit nutaat marluk taakkua qarasaasiatigut tamanut saqqummiussinikkut ingerlanneqartussaammata, taamaalilluni tusarniaalluni ataatsimiititsisoqartartussaananani, aammalu pisinnaatitsissummik pigisaqartup imaluunniit Naalakkersuisut tusarniaanermut akissuteqaatit isummerfigalugit tusarniaaneq pillugu nalunaarusiaq suliarineqartartussaananani. Tusarniaanermut akissuteqaatinut taamaallaat siunertaavoq Naalakkersuisut aalajangiinissaannut suliassallu ingerlateqqinnissaanut tunngavissiiinissaq.

	Aatsitassanut ikummatissanullu inatsit	Aatsitassanut tunngasunik suliagarnermut inatsit
Aatsitassarsiorluni misissuinissamut akuersissummik tunniussineq	Soqanngilaq	Minnerpaamik ullut 21
Piiaanissamut akuersissummik tunniussineq	Soqanngilaq	Minnerpaamik ullut 35
VVM aamma VSB akuersissuteqarfigineqarnerat	Minnerpaamik ulluni 35-ni piareersaataasumik tusarniaaneq Minnerpaamik sap. ak. 8-ni tusarniaalluni ataatsimiititsinertalinnik tusarniaaneq	Minnerpaamik ulluni 35-ni piareersaataasumik tusarniaaneq Minnerpaamik sap. ak. 8-ni tusarniaalluni ataatsimiititsinertalinnik tusarniaaneq

Takuuk ilanngussaq 2.

b. pillugu

Siunnersuut tamanut ammasumik tusarniaassutigineqareerpoq aammalu Naalakkersuisut suliffissuarnik oqaloqateqareerlutik, aammalu annertunerpaatigut akuersaartumik akissutisisimallutik.

Siunnersuummi taamatut ullumikkut pisartunit amerlanerusunik suliffissuarnut pisinnaatitaaffiliinissaq siunertarineqanngilaq. Inatsimmut atuuttumut sanilliullugu pitsanngorsaanerit tassaapput, inatsisip ataatsimut isigalugu paasiuminarnerulernera aammalu pisinnaatitaaffiit pisussaaffiillu itisilerneqarnera.

Aatsitassanut ikummatissanullu inatsisip inatsisinut arlalinnut aggulunneqarnerani aammalu aatsitassarsiorfimmik ingerlatsineq pillugu maleruagassat annikitsumik aatsitassarsiornissamut akuersissutit aamma ikummatissiassanut akuersissutit pillugit maleruagassanut akuliutsinneqannginneranni, pisinnaatitsissummik pigisaqartut ingerlatassaminnut sorphiaat atuunnersut paasiuminarnerulersittussaavaat. Tamatuma

saniatigut akuersissutit assigiinngitsut ataasiakkaat pillugit siunnersuummi kapitalit assigiinngitsuupput, tamannalu avataaneersunut Kalaallit Nunaanni inatsisinik ilisimanninngereersunut paasiuminernerulersitsivoq, nunani aatsitassarsiornermut suliffissuaqarnermik ineriartortitsinerusuni inatsisinik misissuinerup kingorna taamatut aalajangiisoqarpoq.

Aamma aatsitassarsiorfiutileqatigiiffiup suliassap killiffiini assigiinngitsuni suut pisinnaatitaaffiginerai pisussaaffigineraalu siunnersuummi, pingaartumik siunnersuummut nassuiaatini, itisilerneqarpoq. Tassunga atatillugu inatsimmut atuuttumut sanilliullugu allanngortitsisoqanngilaq, kisianni nassuiaatit nutaat annertunerupput aammalu assersuutininik erseqqissaanernillu arlalinnik imaqarlutik.

Immikkoortoq 3.

Naqqiut – Siunnersuummut nassuiaatini ulloq 31. marts 2023-meersumi (q. 25)-mi tulliuuttut allaqqasut ataatsimiititaliamit maluginiarneqarpoq: ” ...aatsitassanik piiaanermi tamatumunngalu atatillugu ingerlatassanik suliaqarnermi inuiaqatigiit aningaasaqarnikkut pissarsiaqarnissaasa aammalu ingerlatassat taakkua ungasinnerusoq isigalugu inuiaqatigiit pisariaqartitaannut naapertuuttumik ingerlanneqarnissaasa qulakkeernissaanut, ilaatigut siunnersuut iluaqutaassaaq...”. Ataatsimiititaliamit kissaatigineqarpoq ilisimatitsissutigineqassasoq:

a. Siuliini taaneqartut qanoq malinneqarnissaannut Naalakkersuisut qanoq isumaqarpat?

b. Inatsimmit atuuttumit inatsisissatut allannguuteqartitsinermi siuliini anguniagassat pitsaanerusumik anguneqarnissaannut periarfissaqartoqarnissaa pillugu Naalakkersuisut qanoq isumaqarpat?

Naalakkersuisut isumaqarput, siunnersuummi aalajangersagaq malinneqarpat, anguniagaq taanna anguneqarsinnaasoq. Pisinnaatitsissummik pigisaqartut inatsit atuuttoq malillugu pisartunut sanilliullugu, siunnersuut malillugu amerlanerusunik aningaasaqarnikkut nammagassinneqanngillat, kisianni pisinnaatitsissummik pigisaqartut aningaasaqarnikkut atugassarititaasunik atuuttunik naammassinninersut nakkutiginnissaanut Naalakkersuisut pitsaanerusunik periarfissaqalerput.

Tassunga atatillugu siunnersuummi aalajangersakkat atuutsissinnaanissaat pingaaruteqarpoq, tassungalugu siunertamut aalajangersakkat inuiaqatigiit soqutigisaannik iluaqusiisussat unioqqutinneqarpata akuliunnissamut periarfissat siunnersuummi annertusineqarput. Akileraarutininik akiliinngitsoortoqarluni imaluunniit inuiaqatigiinni piujuartussamik sunnuteqartitsinissaq pillugu atugassarititaasut naammassineqaratik pisoqartillugu taamaattoqarsinnaavoq.

Nunap karsiata isertitaannut tunngatillugu, pisinnaatitsissummik pigisaqartup suleqatigisartagai akileraarutininik akiliinersut nakkutigineqarnissaanut periaaseq nutaaq atuutsinneqalerpoq. Naalakkersuisut suleqatigisartakkani taakkunani toqqaannartumik paasissutissanik piunasaqarnissamut periarfissaqalerput. Aammalu ingerlatseqatigiiffiit

naleqquttumik akileraarutitik akiliisanngitsut, aatsitassarsiorfinni ingerlatassanik suliaqarnissaasa inerteqqutiginnissaa periarfissaalerpoq.

Tamatuma saniatigut pisinnaatitsissummik pigisaqartunut atugassarititaasunik peqqussutinillu Naalakkersuisunit aalajangersagaasunik naammassinninngitsunut, ullormut akiligassinneqarnissaat periarfissiissutigineqarpoq.

Ungasinnerusooq isigalugu inuiaqatigiit pisariaqartitaannut tunngatillugu, pissutsit arlallit Naalakkersuisut, pisinnaatitsissummik pigisaqartut kommunillu akornanni IBA-mut isumaqatigiissutini maleruagassiivigineqarsinnaasut siunnersuutigineqarpoq. Tamatumani eqaatsuutitsinissaq qulakkeerneqarsinnaavoq, taamaalilluni pisinnaatitsissummik pigisaqartut najukkani innuttaasunik suleqateqarnissaannut piumasaqaatit, inuiaqatigiit ineriartornerannut naleqqussarneqarsinnaallutik. Assersuutigalugu neqeroortitsinermi pisussami najukkameersunik sulisoqarnissamut piumasaqaatit naleqqussarnissaat ajornannginnerulissaaq.

Immikkoortoq 4.

Naqqiut – Siunnersuummut nassuiaatini ulloq 31. marts 2023-meersumi (q. 25)-mi allaqqasut tulluuttut ataatsimiititaliamit maluginiarneqarpoq: ” ...ingerlatassat pineqartunut ilaasut isumannaallisaaq, peqqinnissamut, isumalluutit atorluanaissamut aamma inuiaqatigiinni piujuartussamik iluaqutissiinissamut tunngatillugu isumannaatsumik naapertuuttumik, ingerlanneqarnissaat qulakkeerneqassaaq...”. Ataatsimiititaliamit kissaatigineqarpoq ilisimatitsissutigineqassasoq:

a. Siuliini taaneqartut malinneqarnissaannut Naalakkersuisunit qanoq isumaqarfigineqarpa?

b. Inatsimmit atuuttumit inatsisissatut allannguuteqartitsinermi uani siuliini anguniagassat pitsaanerusumik anguneqarsinnaanissaannut periarfissaqartoqalernissaa pillugu Naalakkersuisut qanoq isumaqarpat

a. pillugu

Ingerlatassat immikkuullarissut tassani pineqarmata, suleriaaserlu ineriartortuarmat, mianerisassat taaneqartut taakkua sukumiisunik maleruagassaqaarnikkut isumagineqarsinnaanerupput. Nunani tamalaani ineriartornerup malinnaaffiginissaa, aammalu ajornanngippat nalunaarutit, atugassarititaasut nalinginnaasut, akuersissutini atugassarititaasut malittarisassallu nutarterneqarsimanissaat, Naalakkersuisut suliaassaraat.

b. pillugu

pissutsit taaneqartut pillugu atugassarititaasunik aalajangersaanissamut, inatsimmut atuuttumut sanilliullugu siunnersuummi amerlanerusunik periarfissiisoqanngilaq. Kisianni Naalakkersuisut inatsimmik atuutsitsinissamut pitsaanerusunik periarfissaqalerput, takuuk ullormut akiliisitsinissamik periarfissaqarneq pillugu immikkoortoq matuma siulianiittoq. Atugassarititaasut inatsimmi siunertamut pingaarnermut naapertuuttumik aalajangersagaasut

pinnaatitsissummik pigisaqartunit malinneqaratik pisoqartillugu, pineqaatissiinissaq naggataatigut pisariaqalersinnaavoq.

Immikkoortoq 5.

Inatsisissatut siunnersuummik piareersarluni suliaqarnerup ingerlanerani, inatsisissatut siunnersuusiordermi Naalakkersuisut avataaniit siunnersorteqarsimanersut taamaassimappallu kikkunnit siunnersorneqarsimanertik ilanngullugu Naalakkersuisunit ilisimatitsissutigineqassasoq ataatsimiititaliamit kissaatigineqarpoq. Taamatuttaaq inatsit una nunani tamalaani suleriaatsinut pitsaasunut akuerisaasunut naapertuuttumik suliarineqarsimasoq Naalakkersuisunit ilisimatitsissutigineqarsimasoq ataatsimiititaliamit maluginiarneqarpoq. Suleriaaseq suna pineqarnersoq Naalakkersuisunit innersuussutigineqarsinnaava?

Siunnersuutip suliarineqarnera politikerit tungaanniit allanngortitsinissamik kissaateqarneq malillugu aallartinneqarpoq. Aallarniutaasumik suliaqarnermi politikkikkut isummersornerit, ilaatigut Inatsisartuni isumaqatiginninniarnerni aammalu § 37 naapertorlugu apeqquteqaatini oqaatigineqartut aamma suliffissuit kissaatigisaat (suliaqarneq taanna suliap ingerlanera tamaat ingerlaavartumik ingerlaannarpoq) isiginiarneqarput. Aamma siunnersuisartut suliffeqarfianit Minehutte-mit nalunaarusiamik piniartoqarpoq.

Inatsisip suliarineqarnerpiaanun atillugu Naalakkersuisut Naalagaaffiup eqqartuussissuserisuanit aamma DLA-Piper-imit ikiorneqarput. Inatsisip siunertaata imagineqarnissaa qanoq pitsaanerpaamik qulakkeerneqarsinnaaneranut aammalu aalajangersakkat ataasiakkaat qanoq ilusilersorneqarsinnaanerannut tunngatillugu.

”Nunani tamalaani suleriaatsimut pitsaasumut” tunngatillugu, imatut malitassanik nunani tamalaani sullissivimmiit aalajangersaasoqarsimanngilaq. Iliuserineqarsimasut tassaapput, immikkut ilisimasalinni avataaneersuni taaneqartuni isumasiuinerup saniatigut, nunani aatsitassarsiorfiusuni ineriartortitsiviunerusuni inatsisip qimerluuineq, aammalu imarisaasa taakkualu paasiuminassusaasa qimerloornerat.

Immikkoortoq 6.

Inatsisissatut siunnersuummi matumani Naalakkersuisut suliaqarnerminni aatsitassarsiornermi peqquserluuteqartoqannginnissaanut pitsaaliuinissamut suliniutit suut ilanngullugit Naalakkersuisunit suliniutigineqarpat?

Peqquserluttoqarsinnaanerata aarlerinaateqarnera aammalu aatsitassarsiornermik suliffissuaqarnerup tusaamaneqarnera ilisimaarigatsigu, neqeroortitsinermut inatsisip isumassarsiorfigalugit pinnaatitsissummik pigisaqartup ileqqorissaarnissaa pillugu aalajangersakkamik ilanngussivugut, takuuk siunnersuummi § 67, pinnaatitsissummik pigisaqartut aamma pinnaatitsissummik pigisaqartuni piginnittut aqutsisullu ukiut kingulliit 4-t iluanni pinerluuteqarlutik iliuuseqarnernut erseqqinnerusumik aalajangersimasunut pineqaatissinneqarsimassanngitsut pillugu aalajangersakkanik imaqartumik, § 67:

”Pisinnaatitsissummik pigisaqartoq, inuit pisinnaatitsissummik pigisaqartumi piginnittut imaluunniit aalajangiisuusumik sunniuteqartut aamma inuit pisinnaatitsissummik pigisaqartup aqutsisuniittut, ilanngullugit siulersuisut, pisortaatitat, nakkutilliinermut siunnersuisooqatigiit imaluunniit aqutsisuni oqartussat assigisaat, ukiut 4-t kingulliit iluanni eqqartuunneqarsimassanngillat imaluunniit akiliisitsinermut akuersisimassanatik (akuersaarlutik) imaluunniit allatut pillarneqarsimassanatik imaluunniit pineqaatissinneqarsimassanatik, makkununga tunngasuni:

- 1) Akiliilluni peqquserlutsitsineq, peqquserlunneq imaluunniit niuernikkut isumaqatigiilluni suliaqarneq.*
- 2) Pinerluttut aaqqissuussaanni peqataaneq.*
- 3) Ajortumeeriniarluni ingerlataqarnernut atatillugu ajortumeeriniarluni iliuuseqarnerit imaluunniit pillarneqaataasussanik iliuuseqarnerit.*
- 4) Aningaasanik pinerlunnikkut aningaasarsiarineqartunik malunnarunnaarsaaneq imaluunniit ajortumeerinianut aningaasalersuineq.*
- 5) Meeqqanik sulisoqarneq imaluunniit inunnik niuerutiginninneq.*

Imm. 2. Pisinnaatitsissummik pigisaqartup aamma inuit taaneqartut taakkua akuersissummik tunniussinermi aammalu piffissaq akuersissuteqarfiusoq tamaat §§ 66 aamma 67 imm. 1 malillugit piumasaqaatit tamaasa naammassisimassavaat.”

Taamaalilluni qinnuteqartoq/pisinnaatitsissummik pigisaqartoq, qinnuteqartup imaluunniit pisinnaatitsissummik pigisaqartup aaqqissuussaananerani piginnittut imaluunniit aqutsisutut ilaasortaatit peqquserlunnermut pineqaatissinneqarsimappata akuersissummik tunineqarsinnaanngilaq, aammalu pisinnaatitsissummik pigisaqartoq imaluunniit piginnittut imaluunniit aqutsisuni ilaasut piffissami akuersissuteqarfiusumi peqquserlunnermut pineqaatissinneqarlutik pisoqartillugu pineqaatissiinissaq periarfissaavoq.

Inussiarnersumik inuulluaqqusillunga
Med venlig hilsen
Best Regards

Aqqaluaq B. Egede


Ilanngussaq 1

Mineloven	Råstofloven
<p>Offentlighøring ved meddelelse af efterforskningstilladelser</p> <p>§ 35. Qinnuteqartup § 34 malillugu aatsitassarsiorluni misissuinissamut akuersisummik tunineqarsinnaalinnginnerani, Naalakkersuisut qinnuteqaat minnerpaamik qaammatisiutit malillugit ulluni 21-ini tamanut ammasumik tusarniaassutigalugu nassiutissavaat.</p>	NY
<p>Udnyttelse på grundlag af småskalatiladelse</p> <p>§ 42. Kisermaassisussaataitaalluni annikitsumik aatsitassarsiorluni misissuinissamut akuersissut malillugu pisinnaatitsisummik pigisaqartup aamma kisermaassisussaataitaalluni annikitsumik aatsitassanik pīaanerup, aatsitassanik pīarneqarsinnaasunik peqarfik pisinnaatitsisummik pigisaqartup pīaaviginiagaa, paasinarsisissimappagu killissalersorsimallugulu, aammalu annikitsumik aatsitassarsiorlunissamut akuersisummik aamma akuersissut malillugu ingerlatassanut tunngatillugu pisussaaffiit tamaasa naammassisimappagit, pisinnaatitsisummik pigisaqartoq Inatsisartut inatsisaanni matumani aalajangersakkat aamma tamatumunnga aalajangersakkat aamma atugassarititaasut allat malillugit aatsitassanik pīaanissamut akuersisummik tunineqarnissamut pisinnaatitaavoq.</p> <p>Imm. 2. Imm. 1-imi pīumasaqaatit naammassineqarsimanersut Naalakkersuisut aalajangiissapput.</p>	NY
<p>Udnyttelsestilladelse på baggrund af kommissorium</p> <p>§ 44. §§ 41-43 malillugu pīaanissamut akuersisummik tunniunneqarsinnaalinnginnerani, qinnuteqartoq suliassamut suliakkiissutinut najoqqutassamik Naalakkersuisunut nassiullugu nalunaarutigineqartussamik, suliqaassaaq.</p> <p>Imm. 2. Suliakkiissutinut najoqqutassaq pīaanissamut akuersissutip tunniunneqarsinnaalinnginnerani minnerpaamik qaammatisiutit malillugit ulluni 35-ini tamanut ammasumik tusarniaassutigineqassaaq.</p> <p>Qinnuteqartoq § 106 malillugu inuiaqatigiinnut tunngasut pillugit suliassamut nassuiaammut tamanut ammasumik piareersaataasumik</p>	NY

<p>tusarniaassaaq imaluunniit avatangiisinut tunngasut pillugit suliassamut nassuiaammut tamanut ammasumik piareersaataasumik tusarniaassalluni, piareersaataasumik tusarniaaneq imaluunniit tusarniaanerit taakkua sapinngisamik suliakkiissutinut najoqqutassamut tunngatillugu tusarniaanernut peqatigitillugu ingerlanneqassapput.</p> <p>Imm. 3. Imm. 2 malillugu suliakkiissutinut najoqqutassaaq tusarniaaneq siusinnerpaamik piiaanissamut akuersissutip tunniunneqannginnerani qaammatit 24-t sioqqullugit naammassereersimassaaq.</p> <p>Imm. 4 Imm. 3-mi piffissamut killiliussap saneqqunneqarnissaa, pisuni immikkuullarissuni Naalackersuisut akuerisinnaavaat.</p> <p>Imm. 5. Naalackersuisut suliassamut suliakkiissutinut najoqqutassap imarisai aammalu tusarniaanerup ingerlanneqartarnera pillugit aalajangersakkanik aamma atugassarititaasunik erseqqinnerusunik aalajangersaasinnaapput.</p>	
<p>Udvælgelseskriterier ved konkurrerende ansøgninger</p> <p>§ 61. Akuersissut §§ 58-imi aamma 59-imi pineqartunut ilaatinneqartoq toqqaanissamut tunngavissarititaasut imm. 2-5-imi taaneqartut tunngavigalugit tunniunneqassaaq.</p> <p>Imm. 2. Toqqaanissamut tunngavissarititaasooq tassaavoq, qinnuteqartup teknikkikkut suliassanullu pisinnaassuseqarnera tamarmiisoq, ilaatigut ilanngullugit:</p> <p>1) Qinnuteqartup siusinnerusukkut aatsitassarsiorluni misissuinermik imaluunniit aatsitassanik piiaanermik misilittagaqarnera.</p> <p>2) Qinnuteqartup siusinnerusukkut sumiiffinni taamaaqataannik atugaqarfiusuni aatsitassarsiorluni misissuinermik imaluunniit aatsitassanik piiaanermik misilittagaqarnera.</p> <p>Imm. 3. Toqqaanissamut tunngavissarititaasooq alla tassaavoq, qinnuteqartup aningaasaqarnikkut aningaasalersuinnikkullu pisinnaassuseqarnera.</p> <p>Imm. 4. Qinnuteqartup naliliivigineqarnerani, qinnuteqartup sunniuteqarluangitsumik pisimasinnaanera imaluunniit Kalaallit Nunaanni akuersissutinut pioreersunut imaluunniit siusinnerusukkut akuersissutinut atatillugu pisinnaatitsissummik pigisaqartup pisussaaffinnik naammassinnissimannginnera, taamatullu inuit qinnuteqartup aqutsisuiinittut, ilanngullugit</p>	<p>Ansøgningsprocedurer for efterforskningstilladelser (Ikke tilgængelige på grønlandsk, se dansk version)</p>

<p>siulersuisuniittut, pisortaatitaniittut, nakkutilliinermut siunnersuisooqatigiinniittut imaluunniit assigisaannik aqutsisuni oqartussaniittut, aqutsisuniittut, piginnittuniittut imaluunniit piginnittuusimasuni ilaasimasuniittut imaluunniit aalajangiisuusumik sunniuteqarsimasut, kiisalu suliffeqarfii qinnuteqartumik piginnittuusut imaluunniit aalajangiisuusumik sunniuteqartut, piginnittut imaluunniit aalajangiisuusumik sunniuteqartut imaluunniit sunniuteqarsimasut, Naalakkersuisut pingaartissavaat .</p> <p>Imm. 5. § 60, imm. 1-3 malillugit suleriaasissanik atuinermi, Naalakkersuisut aammattaq qinnuteqartut toqqaanissamut tunngavissarititaasut imm. 2-4-mi taaneqartut malillugit naliiivigineqarnerat malillugu assigiimmik naleqqussuseqartutut nalilerneqartut, akornanni inaarutaasumik toqqaanissaq siunertaralugu, toqqaanissamut tunngavissarititaasunik allanik naleqquttunik, tunngavissalinnik aammalu immikkoortitsiviunngitsunik, aalajangersaasinnaapput.</p> <p>Imm. 6. § 59, imm. 1-3 malillugit suleriaasissanik atuinermi, tunngavissarititaasut imm. 2-5-imi taaneqartut aamma taakkua imminnut sanilliullugit pingaartinneqarnissaat pillugu aalajangersakkat, qinnuteqaqqusinerit § 59-imi taaneqartut ilanngullugit, tamanut saqqummiunneqassapput.</p>	
<p>Krav til rettighedshavers vandel</p> <p>§ 66. Akuersissut malillugu pisinnaatitsissummik pigisaqartoq akuersissut malillugu ingerlatassanik suliaqarnissamut teknikkikkut suliaassanullu pisinnaassuseqassaaq kiisalu aningaasaqarnikkut aningaasalersuinnikkullu pisinnaassuseqassalluni aammalu akuersissut aamma akuersissut malillugu ingerlatassat pillugit pisussaaffiit tamaasa naammassisimassallugit.</p> <p>Imm. 2. Pisinnaatitsissummik pigisaqartup pisuussutini tamakkiisumik atorsinnaassavai. Pisinnaatitsissummik pigisaqartoq akiliisinnaassuseqanngissanngilaq imaluunniit akiliisinnaassuseqannginnermut, ilusilersueqqinnissamut assigisaannulluunniit eqqartuussivimmi imaluunniit allaffissornikkut sulianik ingerlatitsinermi pineqartunut ilaassanani, ilanngullugu akiliisarnerninik unitsitsisimassanani, akiliisinnaajunnaartutut inissisimassanani, sulianik unitsitsisimassanani imaluunniit assingusumik inissisimassanani.</p>	<p>NY</p>

<p>§ 67. Pisinnaatitsissummik pigisaqartoq, inuit pisinnaatitsissummik pigisaqartumi piginnittut imaluunniit aalajangiisuusumik sunniuteqartut aamma inuit pisinnaatitsissummik pigisaqartup aqutsisuiniittut, ilanngullugit siulersuisut, pisortaatat, nakkutilliinermut siunnersuisooqatigiit imaluunniit aqutsisuni oqartussat assigisaat, ukiut 4-t kingulliit iluanni eqqartuunneqarsimassanngillat imaluunniit akiliisitsinermut akuersisimassanatik (akuersaarlutik) imaluunniit allatut pillarneqarsimassanatik imaluunniit pineqaatissinneqarsimassanatik, makkununga tunngasuni:</p> <ol style="list-style-type: none"> 1) Akiliilluni peqquserlutsitsineq, peqquserlunneq imaluunniit niuernikkut isumaqatigiilluni suliaqarneq. 2) Pinerluttut aqqissuussaanni peqataaneq. 3) Ajortumeeriniarluni ingerlataqarnernut atatillugu ajortumeeriniarluni iliuuseqarnerit imaluunniit pillarneqaataasussanik iliuuseqarnerit. 4) Aningaasanik pinerlunnikkut aningaasarsiarineqartunik malunnarunnaarsaaneq imaluunniit ajortumeerinianut aningaasalersuineq. 5) Meeqqanik sulisoqarneq imaluunniit inunnik niuerutiginninneq. <p>Imm. 2. Pisinnaatitsissummik pigisaqartup aamma inuit taaneqartut taakkua akuersissummik tunniussinermi aammalu piffissaq akuersissuteqarfiusoq tamaat §§ 66 aamma 67 imm. 1 malillugit piunnaasaqatit tamaasa naammassisimassavaat.</p>	<p>NY</p>
<p>Skatterapportering</p> <p>§ 68. Suliffeqarfiit aamma inuit kikkut Inatsisartut inatsisaat malillugu akuersissut malillugu ingerlatassanik suliarinnittuunersut imaluunniit suliarinninnermi peqataanersut pillugu paasissutissanik pisinnaatitsissummik pigisaqartoq tunniussissasoq pillugu Naalakkersuisut aalajangersakkanik aamma atugassarititaasunik aalajangersaasinnaapput imaluunniit aalajangiisinaapput.</p> <p>Imm. 2. Suliffeqarfiit aamma inuit Inatsisartut inatsisaat malillugu akuersissut malillugu ingerlatassanik suliarinnittut imaluunniit suliarinninnermi peqataasut, akileraarutinut aamma akitsuutinut tunngasut pillugit paasissutissanik allakkianillu Naalakkersuisunut aamma oqartussanut allanut tunniussissasoq, pillugu Naalakkersuisut aalajangersakkanik aamma</p>	<p>§ 86 a. Pisinnaatitsissummik pigisaqartup taassumalu entreprenøriisa, pilersuisuisa aamma kiffartuussisuisa ilaalu ilanngullugit akileraarnermut tunngasut pillugit paasissutissanik uppersaatinillu tunniussisarnissaasa aammalu Kalaallit Nunaanni maleruagassanut sukulluunniit atuuttunut naapertuuttumik akileraarutinik akiliisarnissaasa qulakkeerneqarnissaa siunertaralugu, Naalakkersuisut aalajangersakkanik aalajangersaasinnaapput.</p> <p>Imm. 2. Pisinnaatitsissummik pigisaqartup, taassuma entreprenøriisa, pilersuisuisa aamma kiffartuussisuisa ilaalu ilanngullugit akileraarnermut tunngasut pillugit paasissutissanik uppersaatinillu tunniussisarnissaat aammalu Kalaallit Nunaanni maleruagassanut sukulluunniit atuuttunut</p>

<p>atugassarititaasunik aalajangersaasinnaapput imaluunniit aalajangiisinnaapput.</p> <p><i>Imm. 3.</i> Isumaqatigiissuteqarfigineqartut, akileraarutinut akitsuutinullu tunngasut pillugit Naalakkersuisunut aamma oqartussanut allanut imm. 2 malillugu paasissutissanik allakkianillu tunniussisimangitsut, imaluunniit akileraarutinik akitsuutinillu Kalaallit Nunaanni maleruagassanut sukkulluunniit atuuttunut naapertuuttumik Naalakkersuisunut aamma oqartussanut allanut akiliisimangitsut, pisinnaatitsissummik pigisaqartup akuersissut malillugu ingerlatanik suliaqarnermini atoqqusaanngikkai, pillugu pisinnaatitsissummik pigisaqartumut Naalakkersuisut peqqussuteqarsinnaapput.</p> <p><i>Imm. 4.</i> Pisinnaatitsissummik pigisaqartup imm. 1 malillugu paasissutissanik tunniussinissaata, imm. 3 malillugu peqqussuteqarnerup naammassinissaata imaluunniit akileraarutinut akitsuutinullu tunngasut pillugit paasissutissanik allakkianillu Naalakkersuisunut aamma oqartussanut allanut tunniussinissaata aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutinik akitsuutinillu akiliinissaata, tungaanut pisinnaatitsissummik pigisaqartup Inatsisartut inatsisaat malillugu akuersissut malillugu ingerlatanik suliaqarni unitsissagaa, Naalakkersuisut aalajangiisinnaapput.</p>	<p>naapertuuttumik akileraarutinik akiliisarnissaat, qulakkiissagaa, pillugu aalajangersakkanik Naalakkersuisut imm. 1 malillugu aalajangersaasinnaapput.</p> <p><i>Imm. 3.</i> Pisinnaatitsissummik pigisaqartup taassumalu entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasissutissanik uppernarsaatinillu tunniussinissaasa aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutinik akiliinissaasa tungaanut, pisinnaatitsissummik pigisaqartoq akuersissut malillugu ingerlatanik suliaqarunnaassasoq, pillugu aalajangersakkanik Naalakkersuisut imm. 1 malillugu aamma aalajangersaasinnaapput.</p> <p><i>Imm. 4.</i> Aalajangersakkat imm. 1-3-imi taaneqartut nalunaarutini, akuersissutini, akuersissuteqarnerni aalajangiinernilu ilaalu ilanngullugit, aalajangersarneqarsinnaapput.</p>
<p>Indstilling af sagsbehandling</p> <p>§ 125. Pisinnaatitsissummik pigisaqartoq Inatsisartut inatsisaanni pineqartunut ilaasoq Naalakkersuisut suliassanik suliarinninnermut aamma Inatsisartut inatsisaat malillugu oqartussat suliarinninnerannut allanut aningaasartuutaannut matussutissanik, takuuk tamatumunga § 31, imm. 3, 38, imm. 4, aamma § 51, imm. 5, 100.000 koruuninik imaluunniit amerlanerusunik aningaasartalinnik akilernerqartussanik akiliisimangippat, pisinnaatitsissummik pigisaqartup Naalakkersuisunut aningaasat akilernerqanngitsut sulluunniit akilernissaasa tungaanut, pisinnaatitsissummik pigisaqartoq pillugit suliassap sulluunniit suliarineqarnera aalajangiiffigineqarnissaalu Naalakkersuisut unitsissinnaavaat. Taamatut pisoqartillugu, pisinnaatitsissummik pigisaqartup Naalakkersuisunut aningaasat akilernerqanngitsut sulluunniit akilernissaasa tungaanut, pisinnaatitsissummik pigisaqartumut Inatsisartut</p>	<p>NY</p>

<p>inatsisaanni pineqartunut ilaasumut, akuersissut malillugu ingerlatani unitseqqullugit aamma Naalakkersuisut peqqusisinnaapput. Naalakkersuisut tamatumunnga aalajangersakkanik erseqqinnerusunik atugassarititaasunillu aalajangersaasinnaapput.</p>	
<p>Fredning og indførelse af zoner § 128. Nunap sannaanut tunngasut taakkualu piujuartinnissaasa mianerinissaannik isumaginninnissamut sumiiffik ataaseq arlallilluunniit aalajangersimasut eqqissisimatineqarnissaat pillugu aalajangersakkanik Naalakkersuisut aalajangersaasinnaapput. Ingerlatassaq ataaseq arlallilluunniit suliareqqusaasoq pillugu aalajangersakkanik imaluunniit atugassarititaasunik Naalakkersuisut aalajangersaasimanngippata, sumiiffimmi nunap sannaatigut eqqissisimatitami ingerlatassanik sunilluunniit suliaqartoqaqqusaanngilaq. Imm. 2. Nalinginnaasumik soqutigisanik mianerinninnissaq isumaginarlugu sumiiffimmik ataatsimik arlallinnilluunniit Inatsisartut inatsisaat malillugu ingerlatassanik inerteqquteqarnissaq imaluunniit killilersuinissaq pillugu aalajangersakkanik Naalakkersuisut aalajangersaasinnaapput.</p>	<p>NY</p>
<p>Pulje til borgeroplysning § 130. Naalakkersuisut aningaasassanik ataatsimoortunik pilersitsissapput, tassunga innuttaasut, najukkami inuiaqatigiit aamma Kalaallit Nunaanni kattuffiit attuumassuteqartut kalluarneqartut, Kalaallit Nunaanni aatsitassanut suliasanut aalajangersimasunut attuumassuteqartunik ajornartorsiutinik immikkuullarissunik qulaajaanissamut misissuinernik aallartitsinissamut aammalu siunnersortissarsiornermut aammalu suliasap inuiaqatigiinni sunniinissaa pillugu ataatsimiinnernik ingerlatsinissamut, aningaasassanik qinnuteqarsinnaassallutik. Imm. 2. Qinnuteqaatip, suliakkiissutinut najoqqutassap imaluunniit suliasamut nassuiaatip piareersaataasumik tusarniaassutigalugu imaluunniit tusarniaassutigalugu nassiuunneqareernerata kingorna, takuuk §§ 35, 44 aamma 107, aningaasassanik qinnuteqarneq aatsaat pisinnaavoq. Imm. 3. Naalakkersuisut imm. 1 malillugu</p>	<p>§ 95a. Naalakkersuisut aningaasaateqarfimmik pilersitsissapput, tassani innuttaasut, najukkani innuttaasut aamma Kalaallit Nunaanni kattuffiit attuumassuteqartut kalluarneqartut, Kalaallit Nunaanni aatsitassarsiornermik suliasanut aalajangersimasunut atatillugu apeqqutinik immikkut ittunik paasiniaanissamut misissuinernik aallartitsinissamut siunnersorneqarnissamullu kiisalu suliasap inuiaqatigiinnut avatangiisinullu sunniinissaa pillugu ataatsimiititsinissanut aningaasassanik qinnuteqarsinnaassallutik. Imm. 2. Aningaasartuutissanut matussutissanik qinnuteqaatit ingerlatassatut pilersaarutit allaaserineqarnerisa piareersaataasumik tusarniutiginissaata nalunaarutigineqarnerata kingornatigut. Imm.3. Naalakkersuisut aningaasaateqarfimmut atatillu ersarinnerusunik aalajangersaasinnaapput.</p>

<p>aningasassat ataatsimoortut pillugit aalajangersakkanik erseqqinnerusunik aalajangersaasinnaapput.</p>	
<p>Bøder</p> <p>§ 140. Naalackersuisut makkununga ullut tamaasa imaluunniit sapaatit akunnikkaartumik pinngitsaaliisummik akileeqqusarsinnaapput:</p> <p>1) Paasissutissanik taassuma tunniussassaannik imaluunniit § 32, imm. 1, § 39, imm. 1, § 50, imm. 2, takuuk § 39, imm. 1, § 55, imm. 1, § 63, imm. 1, § 68, imm. 1, § 68, imm. 2, § 77, imm. 4, § 81, imm. 5, § 82, imm. 4, § 101, imm. 1, § 101, imm. 3 aamma 4, § 104, imm. 1, § 104, imm. 3 aamma 4 imaluunniit § 124 malillugit Naalackersuisut piumasarisinnaasaannik, piffissaq eqqorlugu tunniussinngitsoq.</p> <p>2) § 68, imm. 3, § 123 imaluunniit § 125 malillugit peqqusissuteqarnermik imaluunniit inerteqquteqarnermik malinninngitsoq.</p> <p>3) § 82, imm. 4 malillugu piffissaq eqqorlugu qularnaveeqqusiinngitsoq.</p> <p>§ 141. Inatsisit allat malillugit sukannernerusumik pineqaatissiineq nammineq pisuussutigineqanngippat, § 22, imm. 2-mi imaluunniit 3-mi taaneqartumik tamatumunnga akuersissummik peqarani imaluunniit tamatumunnga Inatsisartut inatsisaanni aalajangersakkat malillugit akuersissuteqarfigineqarani ingerlatassamik suliarinnittoq, akiliisitsinermik pineqaatissinneqassaaq.</p> <p>Imm. 2. Inatsisit allat malillugit sukannernerusumik pineqaatissiineq nammineq pisuussutigineqanngippat, ingerlataqarnerit tamatumunnga aalajangersakkat Naalackersuisunit aalajangersarneqartut malillugit ingerlateqqusaanatik, nunap sanaanut sumiiffimmi eqqissimatitami ingerlataqarnermik suliaqartoq, takuuk § 128, akiliisitsinermik pineqaatissinneqassaaq.</p> <p>Imm. 3. Inatsisit allat malillugit sukannernerusumik pineqaatissiineq nammineq pisuussutigineqanngippat, akiliisitsinermik pineqaatissinneqassaaq, piaaraluni imaluunniit mianersuaalliorujussuarluni:</p> <p>1) Paasissutissanik eqqunngitsunik imaluunniit paatsoortitsinnaasunik tunniussisoq imaluunniit paasissutissanik Inatsisartut inatsisaat imaluunniit</p>	<p>§ 96. Kinaluunniit inatsisartut inatsisaat manna malillugu akuersissummik pigisaqarnani § 2, imm. 2-mi taaneqartunik ingerlatanik suliarinnittoq akiliisinneqassaaq.</p> <p>Imm. 2. Kinaluunniit piaaraluni imaluunniit annertuumik mianersuaalliornikkut ima iliortoq akiliisinneqassaaq:</p> <p>1) Inatsisartut inatsisaat manna malillugu imaluunniit tamakku malitsigisaannik aalajangersakkat piunasaqaatillu malillugit oqartussat pissarsiarisassaat pillugit paasissutissanik eqqunngitsunik imaluunniit inatsisartut inatsisaat manna malillugu maleruagassanik piunasaqaatinillu aalajangersarsimasut malillugit tammarsaasunik tunniussisoq imaluunniit paasissutissanik nipangiussisoq.</p> <p>2) §§ 45-47 unioqqutillugit aatsitassanik katersisoq imaluunniit paaasoq.</p> <p>3) § 45, imm. 6 malillugu aatsitassanik sinneruttunik toqqorsimatitsinngitsoq.</p> <p>4) Akuersissutinut piunasaqaatinik unioqqutsitsisoq imaluunniit inatsisartut inatsisaat manna malillugu akuerinissutinik tunniunneqartunik imaluunniit inatsisartut inatsisaat manna malillugu maleruagqusanik aalajangerneqarsimasunik unioqqutitsisoq.</p> <p>5) Inatsisartut inatsisaat manna malillugu peqqussutinik tunniunneqarsimasunik isumaginninngitsoortoq inatsisartut inatsisaat manna malillugu maleruagqusanik tunniunneqarsimasunik peqquneqarnerminik eqquutsitsinngitsoq.</p> <p>Imm. 3. Inatsisartut inatsisaat manna malillugu maleruagqusani aalajangerneqarsinnaavoq, aalajangersakkanik unioqqutsitsinermi Kalaallit Nunaanni pinerluttulerinermi inatsit malillugu akiliisitaanermik allatulluunniit iliuuseqarnikkut pineqaatissiisutinik eqqartuussineqarsinnaasoq.</p> <p>Imm. 4. Unioqqutitsineq suliffeqarfimmit, tamakkiisumik ilaannakortumilluunniit Kalaallit Nunaanni Namminersorlutik Oqartussanit, kommunimit imaluunniit kommunit ataatsimoorullugu pigineqartumit, kommunalbestyrelsit aamma nunaqarfimmi siulersuisut il.il. pillugit inatsisartut inatsisaannut ilaasunit, aktieselskabimi, anpartsselskabimi,</p>

<p>aalajangersakkat imaluunniit atugassarititaasut Inatsisartut inatsisaat malillugu aalajangersagaasut malillugit oqartussamit piumasarineqartunik, nipangiussiinnartoq.</p> <p>2) Aalajangersakkanik imaluunniit akuersissutitut atugassarititaasunik imaluunniit Inatsisartut inatsisaat malillugu akuersissuteqarnernik imaluunniit aalajangersakkanik Inatsisartut inatsisaat malillugu aalajangersagaasunik unioqqutitsisoq.</p> <p>3) § 123 imaluunniit § 125 imaluunniit aalajangersakkat imaluunniit akuersissutitut atugassarititaasut imaluunniit Inatsisartut inatsisaat malillugu akuersissuteqarnerit imaluunniit aalajangersakkat Inatsisartut inatsisaat malillugu aalajangersagaasut malillugit Naalakkersuisut peqqusissuteqarnerannik imaluunniit inerteqquteqarnerannik malinninngitsoq.</p> <p>Imm. 4. Aalajangersakkanik unioqqutitsisoq Kalaallit Nunaannut pinerluttulerinermut inatsit malillugu akiliisitsinermik imaluunniit allatut pineqaatissiinermik pineqaatissinneqarsinnaasoq, aalajangersakkanni Inatsisartut inatsisaat malillugu aalajangersagaasuni aalajangerneqarsinnaavoq.</p> <p>Imm. 5. Unioqqutitsineq suliffeqarfimmit tamakkiisumik ilaannaasumilluunniit Namminersorlutik Oqartussanit pigineqartumit, naalagaaffimmit, kommunimit imaluunniit kommunit ataatsimooqatigiiffianit kommunit aqunneqarnerat pillugu Inatsisartut inatsisaanni pineqartunut ilaasumit, aktiaatileqatigiiffimmit, piginneqatigiilluni ingerlatseqatigiiffimmit, piginneqatigiiffimmit assigisaannilluunniit piliarineqarpat, suliffeqarfik ilaalu ilanngullugit taamatut pinerluttulerinermut inatsisitigut akisussaatinneqarsinnaapput. Taamaaqataanik unioqqutitsisoq tassaappat Namminersorlutik Oqartussat, kommuni imaluunniit kommunit ataatsimooqatigiiffiat kommunit aqunneqarnerat pillugu Inatsisartut inatsisaanni pineqartunut ilaasoq, tamanna atuutissaaq.</p> <p>Imm. 6. Unioqqutitsineq ersarippat, pisariunngippat aammalu annertuunik uppersarsaatitigut nalornissutaasunik apeqqutissaqanngippat, imm. 1-3 imaluunniit aalajangersakkat imaluunniit atugassarititaasut imm. 4 malillugu aalajangersagaasut malillugit akiliisitsilluni pineqaatissiinissaq pillugu suliaq allaffissornikkut akiliisitsinikkut</p>	<p>andelsselskabimi assigisaannilluunniit unioqqutitsineq pisimappat, suliffeqarfik assigisaallu akisussaatinneqassapput, pinerluttulerinermi inatsit taamaattoq malillugu akisussaaffilerlugit. Taamattaq atuuppoq, Namminersorlutik Oqartussani, kommuni imaluunniit kommunit ataatsimoorussaanni, kommunalbestyrelsit aamma nunaqarfimmi aqutsisut il.il. inatsisartut inatsisaanni ilaasuni unioqqutitsineq pisimappat.</p> <p>Imm. 5. Akiliisitsissutit inatsisartut inatsisaat manna imaluunniit inatsisartut inatsisaat malillugit malittarisassat malillugit akiliutigineqartut landskarsimut nakkartinneqassapput.</p>
--	---

<p>aalajangiiffiginiarneqarsinnaavoq. Suliassani unnerluussutit imaannut piomasagaatit pillugit, aammalu pasineqartoq oqaaseqarnissamut pisussaaffeqanngitsoq pillugu eqqartuussisarnermut inatsimmi maleruagassat, Inatsisartut inatsisaat malillugu allaffissornikkut akiliisitsinerit taamaaqataanik atuupput.</p> <p>Imm. 7. Akiliisitsinerit, Inatsisartut inatsisaat imaluunniit aalajangersakkat Inatsisartut inatsisaat malillugu aalajangersagaasut malillugit pisussaatinneqartut, nunap karsianut tutsinneqassapput.</p>	
<p>Konfiskation</p> <p>§ 142. Naalakkersuisut aatsitassanik, § 22, imm. 2, nr. 1-4-mik unioqqutitsilluni, imaluunniit aalajangersakkanik imaluunniit atugassarititaasunik akuersissummut imaluunniit akuersissuteqarnermut aalajangersagaasunik imaluunniit aalajangersakkanik Inatsisartut inatsisaat malillugu aalajangersagaasunik unioqqutitsisumik akuersissummik peqarani katersorneqartunik, piiarneqartunik imaluunniit atorineqartunik, arsaarinnissinnaapput.</p> <p>Imm. 2. Naalakkersuisut aatsitassanik, § 22, imm. 3, nr. 1-imik unioqqutitsilluni, imaluunniit aalajangersakkanik imaluunniit atugassarititaasunik akuersissummut imaluunniit akuersissuteqarnermut aalajangersagaasunik imaluunniit aalajangersakkanik Inatsisartut inatsisaat malillugu aalajangersagaasunik unioqqutitsilluni, tamatumunnga akuersissuteqarfigineqarani, Kalaallit Nunaanniit anniseriarneqaraluartunik imaluunniit anninneqartunik, arsaarinnissinnaapput.</p> <p>Imm. 3. Aatsitassanut § 22, imm. 2, nr. 1-4-mut unioqqutitsilluni, imaluunniit aalajangersakkanut imaluunniit atugassarititaasunut akuersissummi aalajangersagaasumut imaluunniit akuersissuteqarnermut imaluunniit aalajangersakkanut Inatsisartut inatsisaat malillugu tunniussisoqarpat, imaluunniit taakkununnga pisinnaatitaaffinnut unioqqutitsisumik katersorneqartunut, piiarneqartunut imaluunniit atorluarniarneqartunut atugassiisoqarsimappat, aatsitassat tunniunneqartut imaluunniit taakkua nalingi pissarsisumiit arsaarinnissutigineqarsinnaapput, taassuma tunniunneqartut pinerluttuliornermut attuumassuteqartut ilisimareersimappagu</p>	<p>§ 97. Akuersissummik pigisaqarnani imaluunniit §§ 45-47 imaluunniit § 48 malillugu aalajangersakkat unioqqutitsillugit aatsitassat katersorneqarsimasut Naalakkersuisut arsaarinnissutigisinnaavaat.</p> <p>Imm. 2. Aatsitassat arsaarinnissutigineqarsimasut Naalakkersuisunit tuniniarneqassapput. Tunisinermi iluanaarutit landskarsimut nakkartinneqassapput.</p>

<p>imaluunniit tassunga tunngatillugu mianersuaalliorujussuarsimappat, imaluunniit tunniussineq tunissutitut pisimappat.</p> <p>Imm. 4. Naalackersuisut imm. 1-imi, 2-mi imaluunniit 3-mi pineqartunut ilaasunik ingerlataqarnerni pissarsianik imaluunniit aningaasanik tamatumunnga naapertuuttunik arsaarinnissuteqarsinnaapput. Aningaasartaasa annertussusaasa aalajangernissaanut naammattumik tunngavissaqanngikkaanni, aningaasat pissarsiarineqartunut naapertuuttut missiliorneqartut, Naalackersuisut arsaarinnissutigisinnaavaat.</p> <p>Imm. 5. Pinerlunnikkut pissarsianik imaluunniit aningaasanik tamatumunnga naapertuuttunik arsaarinnittarneq pillugu Kalaallit Nunaannut pinerluttulerinermut inatsimmi maleruagassat Naalackersuisut imm. 1-4 malillugit arsaarinninnerannut taamaaqataanik atuutissapput.</p> <p>Imm. 6. Imm. 1, 2 aamma 3 malillugu arsaarinninneq Naalackersuisunit imaluunniit pinerluttulerinermut suliassani Kalaallit Nunaannut pinerluttulerinermut inatsit malillugu oqartussamit attuumassuteqartumit, ingerlanneqassaaq.</p> <p>Imm. 7. Aatsitassat arsaarinnissutigineqartut Naalackersuisunit tuniniarneqassapput. Tunisinermi iluanaarutit nunap karsianut tutsinneqassapput.</p>	
--	--

Ilanngussaq 2

Piffissalersuineq, aatsitassanut ikummatissanullu inatsit

Aatsitassarsiorluni misissuinissamut akuersissummik tunniussineq _____ Piareersaataasumik tusarniaaneq _____ Tusarniaaneq, VVM/VSB -
_____ Piiainissamut akuersissut

Ullut 35

Sap.ak. 8

Allaganngorlugu

tamanut ammasumik tusarniaalluni ataatsimiititsinerit

Piffissalersuineq, aatsitassanut tunngasunik suliaqarnermut inatsit

Tusarniaaneq _____ Aatsitassarsiorluni misissuinissamut akuersissummik tunniussineq _____ Tusarniaaneq, suliasamat nassuiaat _____
Piiainissamut akuersissut

Ullut 21

Ullut 35

Allaganngorlugu

Allaganngorlugu

_____ Piareersaataasumik tusarniaaneq _____ Tusarniaaneq, VVM/VSB

Ullut 35

Sap.ak. 8

Allaganngorlugu

tamanut ammasumik tusarniaalluni ataatsimiititsinerit